



Adresa: **Ul. Hamdije Čemerlića 39a**  
71000 Sarajevo  
<http://www.voda.ba>

tel. +387 33 726-444  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-1-40-496-11/25**

Datum: **24.04.2026. godine**

„Agencija za vodno područje rijeke Save“ Sarajevo, rješavajući po zahtjevu općine Gornji Vakuf - Uskoplje za donošenje Rješenja o prethodnoj vodnoj saglasnosti za aktivnost – izgradnju mosta preko rijeke Vrbas na lokaciji „Kamenice“, a u postupku pribavljanja urbanističke saglasnosti, na osnovu člana 109. stav (1) tačka 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi

### **R J E Š E N J E** **o prethodnoj vodnoj saglasnosti**

1. Općini Gornji Vakuf - Uskoplje daje se prethodna vodna saglasnost za aktivnost – izgradnju mosta preko rijeke Vrbas na lokaciji „Kamenice“, na dijelu zemljišta označenog kao k.č. broj: 2298 K.O. Gornji Vakuf - Uskoplje, a u postupku pribavljanja urbanističke saglasnosti za izgradnju istog.
2. Prethodna vodna saglasnost se daje na osnovu pregleda dostavljene dokumentacije, utvrđenog činjeničnog stanja i pod sljedećim uslovima:
  - 2.1. Da korisnik prethodne vodne saglasnosti osigura izradu tehničke dokumentacije (na nivou Glavnog projekta) na osnovu koje će se vršiti izvođenje radova na izgradnji mosta preko rijeke Vrbas na lokaciji „Kamenice“, općina Gornji Vakuf - Uskoplje. Tehnička dokumentacija treba biti urađena i revidovana od strane pravnih lica koja imaju ovlaštenja (lista «A») pribavljena od strane Federalnog ministarstva poljoprivrede, vodoprivrede i šumarstva i treba da obradi sva pitanja definisana članom 5. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH» broj 31/15, 55/19, 41/20 i 63/22).
  - 2.2. Sa vodoprivrednog aspekta, imajući u vidu prostorna ograničenja na predmetnoj lokaciji, obezbijediti da kota donje ivice konstrukcije mosta u polju i na osloncima bude viša u odnosu na postojeći most koji se uklanja, odnosno da se obezbijedi maksimalno moguće nadvišenje donje ivice mostovske konstrukcije u skladu sa raspoloživim prostornim i tehničkim mogućnostima. Preporučuje se da, gdje god je to moguće, nadvišenje donje ivice mostovske konstrukcije iznosi minimalno 80 cm u odnosu na kotu velike vode rijeke Vrbas ranga pojave 1/100 godina.
  - 2.3. Obalni upornjaci u odnosu na prirodni poprečni profil korita rijeke Vrbas trebaju imati takav položaj da ne smanjuju širinu proticajnog profila korita.
  - 2.4. Sastavni dio investiciono - tehničke dokumentacije za izgradnju mosta treba biti:  
Elaborat/projekat u kojem će se provesti hidraulički proračun propusne moći projektovanog otvora mosta, odrediti nivo stogodišnje velike vode na lokaciji mosta sa eventualnim usporom, provesti hidraulički proračun za dionicu uzvodno i nizvodno od mosta te utvrditi vučne napone u koritu vodeći računa o tome da su obale rijeke Vrbas na predmetnom lokalitetu uređene te za slučaj ako su veći od dozvoljenih u prirodnom koritu odrediti potrebnu dužinu prelaznih dionica od obalnih upornjaka do prirodnog korita sa oblaganjem kosina korita u svrhu zaštite od erozije.
  - 2.5. U projektnoj dokumentaciji dati tehničko rješenje sistema za prikupljanje i ispuštanje oborinskih voda sa konstrukcije mosta u recipijent, definisati mjesto ispuštanja oborinskih voda u recipijent te dati detalj ispusta.
  - 2.6. Projektnom dokumentacijom definisati organizaciju i tehnologiju izvođenja radova na izgradnji novog mosta preko rijeke Vrbas i radova u obalnom pojasu, te definisati mjere koje je potrebno poduzeti u toku izvođenja radova kako ne bi došlo do erozionih procesa u koritu i obalnom području rijeke Vrbas, do uništavanja uređenih obala, do podlokovanja temelja stubova kao i negativnih uticaja na druge korisnike voda (vodosaodbijevanje, ribari i sl.).
  - 2.7. Predmjerom radova predvidjeti i radove na uklanjanju pomoćnih objekata i radove na čišćenju i uređenju korita i obala po završetku izgradnje mosta, uređenje korita rijeke Vrbas u zoni obalnih upornjaka mosta, odvodnju oborinskih voda i dr.
  - 2.8. Pri izradi projektne dokumentacije pažnju posvetiti položaju postojećih instalacija (vodovodne, kanalizacione, elektro, PTT i dr.) te dati tehničko rješenje za ukrštanje ili izmještanje istih.

- 2.9. Projektom dokumentacijom treba, u skladu sa zakonskim propisima, definisati način privremenog pa sve do konačnog zbrinjavanja otpada koji će nastati u toku izgradnje novog mosta i uređenja obala i vodotoka.
- 2.10. Otpad koji će nastati u toku izvođenja planiranih radova se ne smije ni privremeno odlagati na čestici „vodno dobro“, odnosno unositi u vodotok i na njegove obale.
- 2.11. Pri izradi tehničke dokumentacije pridržavati se pravila struke i nauke te zakonske regulative vezane za ovakvu vrstu radova te ekološko-ekonomskih zahtjeva.
3. Ovu prethodnu vodnu saglasnost će Investitor koristiti u postupku pribavljanja urbanističke saglasnosti i ona definiše sve uslove koje Investiciono-tehnička dokumentacija treba ispuniti za pribavljanje vodne saglasnosti, a sve u skladu sa Zakonom o vodama i provedbenim dokumentima (Pravilnik o sadržaju, obliku, uslovima, načinu izdavanja i čuvanja vodnih akata, Uredba o uslovima ispuštanja otpadnih voda u okoliš i sisteme javne kanalizacije).
4. Po izradi i reviziji investiciono-tehničke dokumentacije, u skladu sa uslovima iz tačke 2. dispozitiva ovog Rješenja, korisnik prethodne vodne saglasnosti dužan je da ovoj Agenciji podnese zahtjev za izdavanje vodne saglasnosti na izrađenu projektnu dokumentaciju.
5. Zahtjev za izdavanje vodne saglasnosti dostavlja se u skladu sa članom 8. i 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22). Uz zahtjev se prilaže:
  - 5.1. Revidovana Investiciono-tehnička dokumentacija urađena na nivou glavnog projekta i u skladu sa uslovima iz dispozitiva ovog rješenja,
  - 5.2. Rješenje o urbanističkoj saglasnosti za izgradnju predmetnog mosta,
  - 5.3. Dokaz o izvršenoj uplati upravne takse u iznosu od 60 KM.
6. Ova prethodna vodna saglasnost se daje sa rokom važenja od 3 (tri) godine od dana pravosnažnosti rješenja i ista prestaje da važi ukoliko ne bude pribavljena urbanistička saglasnost i ne bude podnesen zahtjev za izdavanje vodne saglasnosti.
7. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavijestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.
8. Ovo rješenje o prethodnoj vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

## **O b r a z l o ž e n j e**

Dana 26.11.2025. općina Gornji Vakuf - Uskoplje obratila se ovoj Agenciji zahtjevom za donošenje Rješenja o prethodnoj vodnoj saglasnosti za aktivnost – izgradnje mosta preko rijeke Vrbas na lokaciji „Kamenice“, na dijelu zemljišta označenog kao k.č. broj: 2298 K.O. Gornji Vakuf - Uskoplje, a u postupku pribavljanja urbanističke saglasnosti za izgradnju istog.

Uvidom u dostavljeni zahtjev i priloženu dokumentaciju, zaključeno je da je zahtjev nepotpun. Dana 28.11.2025. godine investitoru je poslan zahtjev za dopunu dokumentacije. Na navedeni zahtjev investitor je tražio produženje roka za dostavu dokumentacije, što mu je i odobreno dopisom od 29.01.2026. godine. Dana 10.03.2026. godine u prostorijama Agencije je održan sastanak sa predstavnicima općine Gornji Vakuf – Uskoplje na kome su isti prezentovali predmetni projekat i istakli da ne mogu ispoštovati sve uvjete koji se preporučuju u smislu obezbjeđenja potrebnog nadvišenja donje ivice konstrukcije mosta u odnosu na nivo velikih voda rijeke Vrbas  $H_{1/100}$ . Konkretno, preporuka podrazumijeva da se kao mjera sigurnosti ostavi nadvišenje od 80 cm između kote velike vode povratnog perioda 1/100 godina i donje ivice mosta. Razlog zbog kojeg se ne može ispuniti navedena preporuka jeste uslovljenost položaja i visine mosta položajem i kotama pristupnih saobraćajnica, raspoloživim slobodnim prostorom za izgradnju kao i položajem postojećih objekata. Isto tako, bitna činjenica jeste da se novi most planira graditi na mjestu postojećeg mosta što samo po sebi značajno uslovljava položaj i gabarite novog mosta. Korito rijeke Vrbas na lokaciji mosta je regulisano, što isto tako predstavlja ograničavajući faktor u smislu visinskog položaja novog mosta. Dopuna neophodne dokumentacije je

izvršena 07.04.2026. godine. Uvidom u dostavljenu dokumentaciju zaključuje se da je raspoloživa visina između kote velike vode povratnog perioda 1/100 godina i donje ivice konstrukcije mosta iznosi 59 cm.

U skladu sa članom 124. stav (1) Zakona o vodama i članom 21. stav (3) Pravilnika o sadržaju, obliku, uslovima, načinu izdavanja i čuvanja vodnih akata o predmetnom zahtjevu je dana 09.04.2026. godine obavještena javnost putem obavještenja na oglasnoj ploči „Agencije za vodno područje rijeke Save“, te dana 11.04.2026. godine u dnevnom glasilu „OSLOBODENJE“. U datim rokovima nije bilo pisanih izjašnjenja o predloženim aktivnostima iz zahtjeva.

U provedenom postupku dostavljena je i pregledana sljedeća dokumentacija:

- Ovjerena kopija Uvjerjenja o poreznoj registraciji općina Gornji Vakuf - Uskoplje izdatog dana 09.04.2025. godine od strane Porezne uprave Federacije BiH – Kantonalni porezni ured Novi Travnik,
- Pozitivno Mišljenje o planiranoj rekonstrukciji predmetnog mosta izdato dana 28.11.2025. godine od strane Službe za prostorno planiranje, imovinsko-pravne poslove i katastar općine gornji Vakuf - Uskoplje,
- Kopija Katastarskog plana za predmetnu parcelu izdatog dana 05.12.2025. godine od strane Službe za prostorno planiranje, imovinsko-pravne poslove i katastar općine gornji Vakuf - Uskoplje,
- Kopija Popisnog lista za predmetnu parcelu izdatog dana 11.03.2026. godine od strane Službe za prostorno planiranje, imovinsko-pravne poslove i katastar općine gornji Vakuf – Uskoplje,
- Kopija Zemljišnoknjižnog izvodka broj: 046-0-NAR-26-002 150 ZK uložak broj: 484 izdat dana 11.03.2026. godine od strane Zemljišnoknjižnog ureda Općinski sud u Bugojnu,
- Studija za prethodnu vodnu saglasnost za rekonstrukciju mosta „Kamenice“ preko rijeke Vrbas u općini Gornji Vakuf – Uskoplje, urađena od strane „EDI-ING“ d.o.o. Donji Vakuf (broj: 25/02-GV/1, februar 2026. godine),
- Glavni projekat rekonstrukcije mosta „Kamenice“, općina Gornji Vakuf – Uskoplje, urađen od strane „PPG“ d.o.o. Sarajevo /1 x elektronski primjerak,
- Dokaz o uplaćenju upravnoj taksi.

Nakon izvršenog uvida u naknadno dostavljeni zahtjev sa priloženom dokumentacijom utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku nastavio postupak u cilju utvrđivanja relevantnih činjenica u ovoj upravnoj stvari.

Na osnovu uvida u dostavljenu dokumentaciju utvrđeno je:

Most „Kamenice“ se planira graditi na mjestu postojećeg mosta u urbanom dijelu općine Gornji Vakuf – Uskoplje. Most povezuje osnovnu školu sa centralnim dijelom urbane zone grada. Na lokaciji se nalazi postojeći most, koji je dotrajao uslijed dugogodišnje eksploatacije. Isto tako dimenzije postojećeg mosta su nedovoljne za sigurno odvijanje saobraćaja i kretanje pješaka.

Zbog navedenog pristupilo se projektovanju novog mosta preko rijeke Vrbas na istoj lokaciji na kojoj se nalazi i postojeći most. Ograničavajuće okolnosti pri situativnom i visinskom pozicioniranju novog mosta su položaja okolnih objekata i postojećih pristupnih saobraćajnica. Svaka značajnija promjena položaja mosta, zahtijevala bi velike intervencije na navedenoj okolnoj infrastrukturi. Uvidom u priloženu dokumentaciju „Studija za prethodnu vodnu saglasnost za rekonstrukciju mosta „Kamenice“ preko rijeke Vrbas u općini Gornji Vakuf – Uskoplje“, zaključuje se da je raspoloživa visina između kote velike vode povratnog perioda 1/100 godina i donje ivice mosta iznosi 59 cm.

Konstrukcija mosta je planirana od 3 rasponska AB nosača dužine 24,0 m, visine 1,2 m, koji će se temeljiti na 2 upornjaka pozicionirana na lokaciji postojećih upornjaka. Ukupna širina mosta sa kolovozom, pješačkim stazama i ogradom je 5,47 m. Prije same izgradnje mosta predviđena je izrada geotehničkog projekta temeljenja mosta, u cilju potvrđivanja dimenzija temelja kao i dubine temeljenja.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, kao i onemogućavanja degradacije kvaliteta voda, podnosiocu zahtjeva su ovim vodnim aktom, u tački 2. dispozitiva rješenja, shodno odredbama Zakona o vodama, Pravilnika o sadržaju, obliku, uslovima i načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije propisani uslovi koje je Investitor dužan ispuniti prilikom izrade projektne dokumentacije koja se dostavlja uz zahtjev za izdavanje vodne saglasnosti.

Na osnovu prednjeg i provedenog postupka, a shodno odredbama člana 111. Zakona o vodama i člana 5. Pravilnika o sadržaju, obliku, uslovima, načinu izdavanja i čuvanja vodnih akata, doneseno je Rješenje kao u dispozitivu.

Podnosilac zahtjeva je uplatio upravnu taksu u iznosu od 80 KM u skladu sa Zakonom o federalnim upravnim taksama i tarifi federalnih upravnih taksi („Službene novine Federacije BiH“, broj 6/98, 8/00, 45/10 i 43/13).

**UPUTA O PRAVNOM LIJEKU:**

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Munir Trako, dipl.inž.građ.

Po ovlaštenju  
Rukovodilac sektora za izdavanje vodnih akata

  
Nihad Pezo, dipl.inž.građ.

Dostaviti:

- ⊖ Općina Gornji Vakuf – Uskoplje,  
Ul. Vrbaska bb, 70 240 Gornji Vakuf - Uskoplje
- AVP Sava, ISV - vodna knjiga
- Sektor 40 - arhiva
- Oglasna ploča - AVP Sava